




7件 4
1046
60

卷
二百十三之二十六
經籍





74
1046
60

文獻通考卷之二百十三

鄱陽 馬 端臨 貴與 著

經籍考

子 雜家

東坡志林

漢藝文志雜家者流蓋出於議官兼儒墨合名法知國體之
有此見王治之無不貫此其所長也及濫者為之則漫羨而
無所歸心

漢志 二十家四百三篇

隋志 九十七部合二千七百二十卷

唐志 六十四家七十五部一千一百三卷
失姓名六家虞世南以
不著錄三十四家八

百十
六卷

宋三朝志 七十部七百三十三卷

利
289
60

宋兩朝志十二部七十卷

宋四朝志一十七部九十五卷

宋中興志一百十九家一百四十九部一千七百六卷

小說家

漢藝文志小說者流蓋出於稗官如淳曰稗音鋪家排九章細米為稗街談巷說其細

碎之言也王者欲知閭巷風俗故立稗官使捕說之今世偶語為稗師古曰稗音稀稗之稗不與鋪排同也稗官小官漢

名臣奏唐林請省置吏公卿大夫至都官稗官各減十三是也街談巷語道聽塗說者之所

造也孔子曰雖小道必有可觀者焉致遠恐泥是以君子弗

為也然亦弗滅也閭里小智之所及亦使綴而不忘如或一

言可采此亦芻蕘狂天之議也

漢志十五家一千三百八十篇

隋志二十五部合一百五十九卷

唐志三十九家四十一部三百八十八卷錄姓各二家李愬以下不詳

宋三朝志一百四十六部一千一百五十二卷

宋兩朝志四十六部一百一十三卷

宋四朝志四十六部四百一十二卷

宋中興志二百三十二家二百六十部一千九百五十五卷

雜家

范子計然十五卷

高氏子略曰計然遊海澤自稱漁父范蠡有請曰先生有

陰德願令越社稷長保血食計然曰越王烏喙不可以同利

蠡之智其有決於此乎此編卷十有二往往極陰陽之變窮

曆數之微其言之妙者有曰聖人之變如水隨形蠡之所以

俟時而動以見幾而作者其亦有得乎此計然濮上人姓章

名文子其先晉國公子也

洪氏容齋隨筆曰漢書貨殖傳越王句踐困於會稽之上乃用范蠡計然遂報強吳孟康注曰姓計名然越臣也蔡謨曰計然者范蠡所著書篇名耳非人也謂之計然者所計而然也群書所稱句踐之賢佐種蠡為首豈復聞有姓計名然者乎若有此人越但用半策便以致霸是功重於范蠡而書籍不見其名史遷不述其傳乎顏師古曰蔡說謬矣古今人表計然列在第四等一名計研班固實戲研桑心計於無垠即謂此耳計然者濮上人也嘗南游越范蠡卑身事之其書則有萬物錄事見皇覽及晉中經簿又吳越春秋及越絕書並作計倪此則倪研及然聲皆相近實一人耳何云書籍不見哉予按唐貞元中馬總意林一書抄類諸子百餘家有范子

十二卷云計然者葵丘濮上人姓辛字文子其先晉國之公子也為人內無外狀貌似不及人少而明學陰陽見微知著其志沈沈不肯自顯天下莫知故稱曰計然時越遊海澤號曰漁父范蠡請其見越王計然曰越王為人鳥喙不可與同利也據此則計然姓名出處皎然可見裴駟註史記亦知引范子北史蕭大圜云留侯追踪於松子陶朱成術於辛文正用此事曹子建表引文子李善註以為計然師古蓋未能盡也而文子十二卷李暹註其序以謂范子所稱計然但其書一切以老子為宗略無與范蠡謀議之事意林所編文子正與此同所謂范子乃別是一書亦十二卷馬總只載其叙計然及它三事云餘並陰陽曆數故不取則與文子了不同李暹之說誤也唐藝文志范子計然十五卷註云范蠡問計

然各列於農家其是矣而今不存

呂氏春秋二十卷

晁氏曰秦呂不韋撰後漢高誘註按史記不韋撰云不韋相秦致辨士厚遇之使人人著所聞集論以為八覽六論十二記二十餘萬言以為備天地萬物古今之事號曰呂氏春秋暴之咸陽市門懸千金其上有能增損一字者予之時人無增損者高誘以為非不能也畏其勢耳昔張侯論為世所貴崔浩五經注學者尚之二人之勢猶能使其書傳如此况不韋權位之盛學者安敢悟其意而有所更易乎誘之言是也然十二紀者本周公書後儒寘於禮記善矣而目之為呂令者誤也

高氏子略曰淮南王尚志謀募奇士盧館一開天下雋絕馳騁之流無不雷奮雲集蠡議橫起瓌詭作新可謂一時傑出之作矣及觀呂氏春秋則淮南王書殆出於此者乎不韋相秦蓋始皇之初也始皇不好士不韋則徠英茂聚皎豪賢履充庭至以千計始皇甚惡書也不韋乃極簡冊攻筆墨采精錄異成一家言吁不韋何為若此者也不亦異乎春秋之言曰十里之間耳不能聞惟墻之外目不能見三畝之間心不能知而欲東至開悟南撫多鷄西服壽靡北懷靡耳何以得哉四極國名此所以譏始皇也始皇顧不察哉不韋以此書暴之咸陽門曰有能損益一字者予千金卒無一敢易者是亦愚黔之甚矣秦之士其賤若此可不哀哉雖然是不特人可愚也雖始皇亦為之愚矣異時亡秦者又皆屠沽負販無一知書之人嗚呼

陳氏曰十二記者即今禮記之月令也

淮南子二十一卷

晁氏曰漢劉安撰淮南厲王長子也襲封招致諸儒方士講論道德總統仁義著內書二十一篇號曰鴻烈鴻大也烈明也以為大明道之言也避父諱以長為脩後漢許慎注慎自名注日記上今存原道俶真天文地形時則覽宜精神本經三術繆稱齊俗道應汜論詮言丘略說山說林等十七篇李氏書目亦云第七第十九亡崇文目則云存者十八篇蓋李氏亡二篇崇文亡三篇家本又少其一俟求善本是正之

容齋洪氏隨筆曰淮南王安招致賓客方術之士作為內書二十一篇外書甚衆又有中篇八卷言神仙黃白之術漢書藝文志淮南二十一一篇淮南外三十三篇列於雜家今所存

者二十一卷蓋內篇也壽春有八公山正安所延致客之處傳記不見姓名而高誘序以為蘇飛李尚左吳田申雷被毛被伍被習昌等八人然惟左吳雷被伍被見於史雷被者蓋為安所斥而亡之長安上書者疑不得為賓客之賢者也

高氏子略曰少愛讀楚辭淮南小山篇聲峻瓌磊他人制作不可企攀者又慕其離騷有傳窈窕多思致每曰淮南天下奇才也又讀其書二十篇篇中文章無所不有如與莊列呂氏春秋韓非子諸篇相經緯表裏何其意之雜出文之沿復也淮南之奇出於離騷淮南之放得於莊列淮南之議論錯於不韋之流其精好者又如玉杯繁露之書是又非獨出於淮南所謂蘇飛李尚左吳田申雷被毛被伍被大山小山諸人各以才智辨謀出奇馳騁所以其書駁然不一雖然淮南

一時所延蓋又非止蘇飛之流也當是時孝武皇帝馮統好
奇蓋又有甚於淮南內篇一陳與帝心合內少君下王母聘
方士搜蓬萊神仙譎怪日日作新其有感於淮南所謂崑崙
增城璇室懸圃弱水流沙者乎武雖不仙猶享多壽王何為
者卒不克終士之誣人一至于此然其文字殊多新特士之
厭常玩俗者往往愛其書况其推測物理探索陰陽大有卓
然出人意表者惟楊雄氏曰淮南說之用不如太史公之用
太史公之用聖人將有取焉淮南鮮取焉耳悲夫

周氏涉筆曰淮南子多本文子因而出入儒墨名法諸家雖
章分事彙欲成其篇而本末愈不相應且并其事自相舛錯
如云武王伐紂載尸而行海內未定故不為三年之喪又云
天下未定海內未輯武王欲昭受王之令德使夷狄冬以其
賄來貢遠遠未能至故治三年之喪殯兩楹以俟遠方當諸
子放言之時不自相考幾無一可信者又謂武王用太公之
計為三年喪以不蕃人類喜又甚矣

陳氏曰按唐志又有高誘注今本記題許慎注而詳序文即
是高誘不可曉也序言自誘之少從同縣盧君受其句讀盧
君者植也與之同縣則誘乃涿郡人又言建安十年辟司宮
掾東郡濮陽令十七年遷監河東則誘乃漢末人其出處略
可見

子華子十卷

晁氏曰其傳曰子華子程氏名本晉人也劉向校定其書按
莊子稱子華子見韓昭侯陸德明以為魏人既不合又藝文
志不錄子華子書觀其文辭近世依托為之者也其書有子

華子為趙簡子不悅又有秦襄公方啓西戎子華子觀政於
秦夫秦襄之卒在春秋前而趙簡子同時相去幾二百年其
抵牾類如此且多用字說謬誤淺陋殆元豐以後舉子所為
耳

朱子曰會稽官書版本有子華子者云是程本字子華者所
作孔子所與傾蓋而語者好奇之士多喜稱之以予觀之其
詞故為艱澁而理實淺近其體務為高古而氣實輕浮其理
多取佛老醫卜之言其語多用左傳班史中字其粉飾塗澤
俯仰態度但如近年後生巧於模擬變撰者所為不惟決非
先秦古書亦非百十年前文字也原其所以祇因家語等書
有孔子與程子傾蓋而語一事而不見其所語者為何說故
好事者妄意此人既為先聖所予必是當時賢者可以假托

聲勢也惑世人遂為造此書以傳合之正如麻衣道者本無
言語祇因小說有陳希夷問錢若水骨法一事遂為南康軍
戴師愈者偽造正易心法之書以托之也麻衣易予亦嘗辨
之天然戴生朴陋予嘗識之其書鄙俚不足惑人此子華子
者計必一能文之士所作其言精麗過麻衣易遠甚如論河
圖之二與四抱九而上躋六與八蹈一而下沉五居其中據
三持七巧亦甚矣唯其巧甚所以知其非古書也又以洛書
為河圖亦仍劉牧之謬尤足以見其為近世之作或云王銍
性之姚寬令威多作臆書二人皆居越恐出其手然又恐非
其所能及如子華子者今亦未暇詳論其言之得失但觀其
書數篇與前後三序皆一手文字其前一篇托為劉向而殊
不類向它書後二篇乃無名氏歲月而皆托為之號類若世

之匿名書者至其首篇風輪水樞之云正是並錄釋氏之說
其卒章宗君三祥蒲壁等事皆剽他書傳會為說其自序
出處又與孔叢子載子順事略相似孔叢亦又言有大造于
趙宗者即指程嬰而言以左傳巧之趙朔既死其家內亂朔
之諸弟或放或死而朔之妻乃晉君之女故武從其母畜於
公宮安得所謂大夫屠岸賈者興兵以滅趙氏而嬰與杵臼
以死衛之云哉且其曰有大造者又用呂相絕秦語其不足
信明甚而近歲以來老成該洽之士亦或信之固已可怪至
引其說以自證其姓氏之所從出則又誣其祖矣大抵學不
知本而眩於多愛又每務欲出於衆人之所不知者以為博
是少其弊必至於此可不戒哉

周氏涉筆曰子華子所著劉向序者文字淺陋不類向其云

善持論聚徒著書更題其書皆非當時事辭大抵十卷者編
緝見意鳩聚衆語老莊荀孟國語素問韓非楚詞俱被剽拾
殆似百家衣蓀其實近時文字又多辭字義蓋古文屢降至
漢世今文猶未專行吾嘗疑其三經後此書方出故信字說
而主老莊又論治古之時積美于躬弗憂於無聞如擊考鼓
鍾其傳以四達驛如也今則不然荒飊怒號而獨秀者先隕
霜露霽零而米草交稿媮市之徒又從而媒孽以髡搖之萌
意於方寸未有毫分也而觸機寔展布其四體未有以為容
也而得拳襍抱其一槩之操泯泯默默而願有以試也而漫
漫之長夜特未旦也疾雷破山澍雨如注雞鳴於曉而失其
所以為司晨也人壽幾何而期有以待也吾反覆其言而悲
之嗟夫斯人也是書母乃黨禁不開善類塗地無所叫號之

時乎

陳氏曰考前世史志及諸家書目並無此書蓋假托也館閣書目辨之當矣家語有孔子過程子傾蓋事而莊子亦載子華子見昭僖侯一則此其姓字之所從出昭僖與孔子不同時然莊子固寓言而家語亦未可考信班固古今人表亦無之使果有其人遇合於夫子班固豈應見遺也其文不古然亦有可觀者當出近世能言之流為此以玩世耳

風俗通義十卷

晁氏曰漢應劭撰劭字仲遠奉之子篤學博覽多聞靈帝時舉孝廉仕至泰山太守撰風俗通以辨物名號釋時嫌疑文雖不典世服其洽聞自序云風者天氣有寒暖地形有陰陽泉水有美惡草木有剛柔俗者含血之類象而生之千里不

同風百里不同俗

陳氏曰唐志二十卷今惟存十卷餘略見東仲容子鈔

文獻通考卷之二百十三

文獻通考

卷之二百十三

七

文獻通考卷之二百一十四

鄱陽 馬 端臨 貴與 著

經籍考

子 雜家

論衡三十卷

晁氏曰後漢王充仲任撰充好論說始如詭異終有實理以俗儒守文多失其真乃閉門潛思戶牖墻壁各置刀筆著論衡八十五篇釋物類同異正時俗嫌疑後蔡邕得之祕玩以為談助云世謂漢文章溫厚爾雅及其東也已衰觀此書與潛夫論風俗通義之類比西京諸書驟不及遠甚乃知世人之言不誣

高氏子略曰書八十五篇二十餘萬言其為言皆叙天證敷

文獻通考卷之二百一十四

經籍考

九

人事析物類道古今大略如仲舒玉杯繁露而其文詳詳則
禮義莫能覈而精辭莫能庸而括幾於蕪且雜矣漢承滅學
之後文景武宣以來所以崇厲表章者非一日之力矣故學
者向風承意日趨於大雅多聞之習凡所撰錄日益而歲有
加至後漢盛矣往往規度如一律體裁如一家是足以雋美
於一時而不足以準的於來世何則事之鮮純言之少擇也
劉向新序說苑竒矣亦復少探索之功闕詮定之密其叙事
有與史背者不一二書尚爾况他書乎袁宏後漢書云克作
論衡中土未有傳者蔡邕入吳始見之以為談助談助之言
可以了此書矣客有難克書煩重者曰石多玉寡寡者為珍
龍少魚衆少者為神乎克曰文衆可以勝寡矣人無一引吾
百篇人無一字吾萬言為可貴矣予所謂之精覈而少庸括
者正此謂歟

陳氏曰克肅宗時人仕為州從事治中初作此書北方初未
有得之者王朗嘗請蔡伯喈搜求至隱處果得論衡祇取數
卷將去伯喈曰惟我與爾共勿廣也然自今觀之亦未為竒
仲長子昌言二卷

崇文總目晉傳漢仲長統撰按本傳統論說古今及時俗行
事著論多昌言凡三十四篇十餘萬言隋唐書目十卷今所
存十五篇分為三卷餘皆亡

傳子五卷

崇文總目晉傳休柰撰集經史治國之說評斷得失各為區
例本傳載內外中篇凡四篇亡錄合一百四十篇今亡一百
一十七

公侯政術十卷

崇文總目魯人初撰蓋魯人名初不著其姓未詳何代人
正訓十卷

崇文總目不著撰人名氏按唐志有正訓二十卷辛德源撰
而此題云陸機撰又上十卷按隋以前書錄皆無陸機正訓
之目晉史機傳亦不言嘗有此書而德源所著今世已亡疑
是其遺書

抱朴子外篇十卷

晁氏曰晉葛稚川撰自號抱朴子博聞深洽江左絕倫著書
甚富言黃白之事名曰內篇其餘外篇晉書內外通有一百
一十六篇今世所傳者四十篇而已外篇頗言君臣理國用
刑之道故附於雜家云

女誠一卷

陳氏曰漢曹世叔妻班昭撰固之妹也俗號女孝經
蔣子萬機論二卷

陳氏曰魏本尉平河蔣濟子通撰按館閣書目十卷五十五
篇今惟十五篇疑非全書也

孫子十卷

陳氏曰趙晉孫綽與公撰恐依托唐志及中興書目並無之
從程文簡家借錄

劉子五卷

陳氏曰劉晝孔昭撰播州錄事參軍袁孝政為序凡五十五
篇按唐志十卷劉勰撰今序云晝傷已不遇天下陵遲播遷
江表故作此書時人莫知謂為劉勰或曰劉歆劉孝標作孝

政之言云爾終不知畫為何代人其書近出傳記無稱莫詳其始末不知何以知其名畫字孔昭也

晁氏曰唐袁政注言脩心治身之道而辭頗俗薄

金樓子十卷

晁氏曰梁元帝撰繹書十篇論歷古興亡之迹箴戒立言志怪雜說自叙著書聚書通曰金樓子者在藩時自號

陳氏曰雜記古今聞見末一卷為自序

瑞應圖十卷

陳氏曰不著名氏按唐志有孫柔之瑞應圖記熊理瑞應圖譜名三卷顧野王符瑞圖十卷又祥瑞圖十卷今此書名與孫熊同而卷數與顧合意其野王書也其間亦多援孫氏以為注中與書目有符瑞圖二卷定著為野王又有瑞應圖十卷稱不知作者載天地瑞應諸物以類分門今書正耳未知果野王否又云或題王伯齡至李淑書目又直以為孫柔之矣又恐李氏書別一家也

子鈔三十卷

陳氏曰梁尚書左丞穎川庾仲容子仲撰所取諸子之書百有五家其間頗有與今世見行書不同者而亡者多矣

意林三卷

晁氏曰唐馬總會元撰初梁庾仲容取諸家書術數雜記凡一百七家抄其要語為三十卷總以其繁略失中增損成三軸前有戴叔倫楊伯存兩序

高氏子略曰子鈔百十有七家仲容所取或數句或一二百言是有以契其意入其用而他人不可共享者也馬總意林

一遵庾目多者十餘句少者一二言比子鈔更為取之嚴錄之精且約也戴叔倫序其書曰上以防守教之失中以補比事之缺下以佐屬文之緒有疏通廣博潔淨符信之要無僻放拘刻讒蔽邪蕩之患亦足以發其機寫其志矣孔子曰雖小道亦有可觀是於諸子未嘗廢也聖人既遠承學易殊義向之少純言議之多詭則百氏之為家不能盡叶乎一亦理之所必然也當篇籍散缺人所未見之時而乃先識其名又得其語斯足以廣聞見助發揮何止嘗昂鬱啖雞蹠也陸機氏曰傾群言之瀝液漱六藝之芳潤唐韋長日月如合璧賦
備於六籍語自此來是庶幾焉

容齋洪氏隨筆曰唐世未知尊孟子故意林亦列其書而有差不同者如伊尹不以一介與人亦不取一介於人之類其

也所引書如胡非子隨巢子繆子王孫子公孫尼子阮子王部姚信士緯殷與通語牟子周生烈子秦菁子梅子任奕子魏朗子唐滂子鄒子孫氏成敗志蔣子譙子鍾子張儼默記裴氏新書袁准正書袁子正論蘇子陸子張顯析言于子顧子諸葛子陳子要言符子諸書今皆不傳於世亦有不知其名者

長短經十卷
陳氏曰總後仕至大理評事嘗副裴晉公平淮者也

晁氏曰唐趙蕤撰北夢瑣言云蕤梓州鹽亭人博學韜鈴長於經世夫婦俱有隱操不應辟召論王霸機權正變之術第十卷載陰謀家本缺今存者六十四篇

炙轂子雜錄注解五卷

晁氏曰唐王叡撰二儀寶錄古今注載士物之始樂府題解樂府所由起叡輯纂數家之言正誤補遺劉允併歸一篇事始三卷

晁氏曰唐劉孝孫等撰太宗命諸王府官以事名類推原初始凡二十六門以教始學諸生易大傳自始作八卦至周書未釋曰杵之微皆記其本起檀弓所述亦皆物之始也然則事始之書當係之儒今以其所取不一故附于雜家

陳氏曰唐吳王諮議弘文館學士南陽劉存撰

理道要訣十卷
陳氏曰唐宰相杜佑君卿撰凡三十三篇皆設問答之辭末二卷記古今異制蓋於通典中撮要以便人主觀覽

造化權輿六卷

陳氏曰唐豐王府法曹趙自勳撰天寶七年表上陸農帥著埤雅頗來用之其孫務觀兩堂為跋余求之又不獲已亥歲吳門天慶觀道藏中借錄

刊語二卷

陳氏曰唐國子祭酒李諝撰

資暇集三卷

陳氏曰唐李匡文濟翁撰

兼明書二卷

陳氏曰唐國子太學博士丘光庭撰

蘇氏演義二十卷

陳氏曰唐光啓進士武功蘇鶚德祥撰此數書者皆考究書傳訂正名物辨證訛謬有益見聞尤梁谿以家藏本刻之當

塗

仲蒙子三卷

陳氏曰唐校書郎長樂林慎思屢中撰

致禮書十卷

晁氏曰唐朱朴撰乾寧中為國子毛詩博士論述時務五十篇上之詞如近時策斷之類迂緩不切與馬周所建明不啻霄壤矣昭宗善其言用太宗擢周故事拔為相徒以益亂可歎也

兩同書兩卷

晁氏曰唐羅隱撰隱謂老子養生孔子訓世因本之著內外篇各五其曰兩同書者取兩者同出而異名之言也

陳氏曰不著名氏中與書目去唐吳筠撰唐藝文志同但入小說類采孔老為內外十篇名祝融子兩同書祝融者謂鬻鬻子為諸子之首也

崇文總目唐羅隱撰采孔老二書著為內外十篇以老子脩身之說為內孔子治世之道為外會其旨而同元

宋齊立化書六卷

晁氏曰偽唐宋齊丘子嵩撰張耒文潛嘗題其後云齊丘之意特大鼠之雄耳蓋不足道其為化書雖皆淺機小數亦微有以見於黃老之所謂道德其能成功有以也吾嘗論黃老之道德本於清淨無為遺去情累而其末多流而為智術刑名何哉仁義生於恩恩生於人情聖人節情而不遺者也無情之至至於無親無親則忍矣此刑名之所以用也文章頗高簡有可喜者其言曰君子有奇志天下不親雖聖人出斯

言不廢

格言五卷

晁氏曰偽唐韓熙載叔言撰熙載以經濟自任乃著書二十六篇論古今王伯之道以干李煜首言陽九百六之數及五運迭興事其驕雜如此有門人舒雅序
中華古今注三卷

陳氏曰後唐太學博士馬縞撰蓋推廣崔豹之書也

續事始五卷

晁氏曰偽蜀馮鑑廣孝孫所著

事原錄三十卷

晁氏曰皇朝朱繪撰其書事始之類也
物類相感志十卷

晁氏曰皇朝僧贊寧撰采經籍傳記物類相感者志之分夫地人物四門贊寧吳人以博物稱於世柳如京徐騎省與之游或就質疑事楊文公歐陽文忠公亦皆知其名

陳氏曰贊寧國初名釋也

耄智餘書三卷

陳氏曰太子少保致仕澶淵晁迥德遠撰迥善養生兼通釋老書年至八十四子孫多聞人

昭德新編一卷

陳氏曰晁迥撰昭德者京師居第坊名也晁氏子孫皆以為稱

宋景文筆錄三卷

晁氏曰皇朝宋祁撰皆故事異聞嘉言與語可為談助不知

何人所編每章冠以公曰景文乃祁謚也

中興藝文志筆錄三卷(皇朝)紹聖中宋肇次其祖庠遺語凡一百七十條

按二筆錄卷數同祁庠又兄弟也然則一書耶二書耶當考

近事會元五卷

陳氏曰李上交撰自(唐)武德至(周)顯德雜事細務皆記之

微言三卷

陳氏曰司馬光手抄諸子書題其末曰余此書類舉人抄書然舉子所鈔獵其辭余所鈔覈其意舉人志科名余志道德其言書迂叟言六十八蓋公在相位時也方機務填委且將屬疾而好學不厭克勤小物如此所鈔可國語而下六書其目三百一十有二小指端無一筆不謹百世之下使人肅然起敬真跡藏邵康節家其諸孫守漢嘉從邵氏借刻携其板歸越今在其群從述尊古家

泣岐書三卷

陳氏曰蜀人龍昌期撰稱上昭文相公有後序言求薦進之意

天保正名論八卷

陳氏曰龍昌期撰其學迂僻專非周公妄人也

事物紀原二十卷

陳氏曰不著名氏中興書目十卷開封高承撰元豐中入凡二百七十事今此書多十卷且數百事是後人廣之耳

孔氏雜說記一卷

晁氏曰皇朝孔武仲撰論載籍中前言徃行及國家故實賢
哲文章亦時記其所見聞著

晁氏客語一卷

陳氏曰晁說之以道撰

王氏雜說十卷

晁氏曰皇朝王安石介甫撰蔡京為安石傳其略曰自先王
澤竭國異家殊由漢迄唐源流浸深宋興文物盛矣然不知
道德性命之理安石奮乎百世之下追堯舜三代通乎晝夜
陰陽所不能測而入於神切著雜說數萬言世謂其言與孟
軻相上下於是天下之士始原道德之意窺性命之端云所
謂雜說即此書也以京之夸至如此且不知所謂通乎晝夜
陰陽所不能測而入於神者為何等語故著之

汲世論一卷

晁氏曰右未詳何人所著多稱元祐間事且喜論兵疑呂氏
書也凡十門

馭臣鑒古二十卷

晁氏曰右皇朝鄧綰撰元豐中為中丞獻之朝未幾坐操心
頗僻賦性姦回論事薦人不循分守貶

廣川家學三十卷

陳氏曰中書舍人董弁令升撰述其父道之學

蘇文定公遺言

蘇轍子由撰周平園序略曰文定公晚居許昌造深矣避禍
謝客縱有門人亦罕與言其聞緒論者子孫而止耳然諸子
宦游惟長孫將作監丞仲滋諱籀年十有四才識卓然侍左

右者九年記遺言百餘條未嘗增損一語既老以授其子郎中君詡郎中復以授其子道州史君森予嘗與道州同僚故請題其後昔人疑黃樓賦非出公手東坡蓋親為之辨今公自謂此賦學兩都晚年不復作此工夫之文至和陶擬古九首則明言坡代作識者當自得之又云讀書須學為文餘事作詩然公詩自工謂儲光義高處似陶淵明平處似王摩詰而以韓子蒼比之子蒼由是知名公素不作長短句今漁家傲一篇雖用禪語而句法極高乃知公非不能詞直不為耳此皆學者所宜知也

石林家訓一卷

陳氏曰葉夢得少蘊撰

石林過庭錄二十七卷

陳氏曰葉夢得與諸子講說者其中子模編輯之

程氏廣訓六卷

陳氏曰中書舍人三衢程俱致道撰

藝苑雌黃二十卷

陳氏曰建安嚴有翼撰大抵辨正訛謬故曰雌黃其目子史傳注詩詞時序名數聲畫器用地理動植神怪雜事卷為二十條凡四百條硯岡居士唐稷序之有翼常分教泉荆二郡

湘素雜說十卷

晁氏曰皇朝黃朝英撰所記二百事朝英建州人紹聖後舉子也為王安石之學者以贈之以芍藥為男淫女貽我握椒為女淫男鄙褻不與前輩嘗以是為嗤笑朝英特愛重之以為得詩人深意其他可知矣

陳氏曰陳與者為之序言甲辰六試吏部不利蓋政宣中士子也其書亦辨正名物而學頗迂僻

程氏演繁露曰此書辨正世傳名物音義多有歸宿而時有闕疑者至釋宋子京刈麥詩以四月為麥秋而曰按北史蘇綽傳麥秋在野其名遠矣是未嘗讀月令也以此知博記之難

聖賢眼目一卷

陳氏曰曲阿洪興祖慶善撰摘取經子數十條以已見發明之

義林一卷

陳氏曰眉山程敦厚子山撰其上世東坡外家也子山為人凶險附秦檜至右史後坐謫死

演繁露十四卷續十卷

陳氏曰程大昌泰之撰初在館中見蕃露書以為非說見春秋類又引古今注晁旒綴玉下重如繁露然蓋與玉杯竹林同為托物名篇可想見也今曰演繁露者意古之蕃露與爾雅釋名廣雅刊誤正俗之類云耳

考古編十卷續編十卷

陳氏曰程大昌撰上自詩書下及史傳世俗雜事有可攷見者皆筆之

楚澤叢語八卷

陳氏曰石迪功郎李蕃吉光撰不知何人作其書專闢孟子紹興中撰進大意以為王氏之學出於孟子然王氏信有罪矣孟氏何與焉此論殆得於景迂之微意

容齋隨筆續筆三筆四筆各十六卷五筆十卷

陳氏曰翰林學士番易洪邁景盧撰每編皆有小序五筆未成書

朱子語錄曰洪景盧隨筆中辨得數種偽書皆是但首卷載歐帖事却非實世間偽書如西京雜記顏師古已辨之矣

續顏氏家訓八卷

陳氏曰左朝請大夫李正公撰皆用顏氏篇目而增廣之習學記言五十卷

陳氏曰閣學士龍泉葉適正則撰自六經諸史子以及文鑑皆有論說大抵務為新奇無所蹈襲其文刻峭精工而義理未得為純明正大也自孔子之外古今百家隨其淺深咸有遺論無得免者而獨於近世所傳子華子篤信推崇之以為真與孔子同時可與六經並考而不悟其為偽也且既曰其書甚古而文與今人相近則亦知之矣遠自七略及隋唐國史諸志李邕鄆諸家書目皆未之有豈不足以驗其非古出於近世好事能文者之所為而反謂孟荀以來無道之者蓋望而棄之也不亦惑乎

準齋雜說一卷

陳氏曰錢唐吳如愚撰

灌畦暇語一卷

陳氏曰不知作者雜取史傳事略述已意

忘筌書二卷

陳氏曰潘植子醇撰新安所刻本凡八十二篇與館閣書目諸儒鳴道集及余家寫本篇數皆不同本已見儒家而館目

袁氏世範三卷

陳氏曰樂清令三衢袁采君載撰

置之雜家者以其多用釋老之說故也今亦別錄於此

文獻通考卷之二百一十四

文獻通考卷之二百十五

鄱陽馬端臨貴與著

經籍考

子小說家

燕丹子三卷

中興藝文志丹燕王喜太子此書載丹與荆軻事

周氏涉筆曰荆軻事既卓僂傳記所載亦甚崛奇今燕丹子三篇與史記皆相合似是史記事本也然烏頭白馬生角機橋不發史記以怪誕削之進金擲盡贈千里馬肝截美人手史記以過當削之聽琴姬得隱語史記以徵所聞削之史遷不獨文字雄深至於識見高明超出戰國以後其書妄削百家証謬亦豈可勝計哉今世祇謂太史公多好亦未然也又

文獻通考卷之二百十五

經籍考

七

如許由伊尹范蠡亦多疑辭惟信孔氏門人傳錄大過如五帝本紀孔子世家其間秕妄吾多是未能克其類

神異經一卷

陳氏曰稱東方朔撰張茂先傳

十洲記一卷

晁氏曰漢東方朔撰班固贊言朔之談諧逢占射覆其事浮淺童兒牧豎莫不眩耀而後世好事者因取奇言怪語附著之朔豈謂此書之類乎

陳氏曰亦稱東方朔撰二書詭誕不經皆假托也漢書本傳

叙朔之辭未言劉向所錄朔書具是矣世所傳他事皆非也賈又言朔之談諧其事浮淺行於衆庶而後世好事者因取奇言怪語附著之朔故詳錄焉史家欲祛妄惑可謂明矣

洞冥記四卷拾遺一卷

晁氏曰後漢郭憲子橫撰其序言漢武明雋特異之生東方朔因滑稽浮誕以匡諫洞心於道教使冥跡之奧昭然顯著故曰洞冥

陳氏曰題漢武別國洞冥記其別錄又於御覽中抄出然則四卷亦非全書也凡若是者藏書之家備名數而已無之不足為損有之不足為益况於詳略尤非所計也唐志入神僊家

周盧注博物志十卷 盧氏注六卷

殷文奎晉張華讀三十車書作博物志四百武帝以為繁只作十卷

晁氏曰晉張華撰載歷代四方奇物異事兩本前六卷略同

無周氏注者稍多而無後四卷周名日用西京賦曰小說九
百起自虞初周人也其小說之來尚矣然不過志夢卜紀譎
恠記談諧之類而已其後史臣務采異聞往往取之故近時
為小說者始多及人之善惡甚者肆喜怒之私變是非之實
以誤後世至于譽桓溫而毀陶侃褒盧杞而貶陸贄者有之
今以志怪者為上褒貶者為下云

王子年拾遺記十卷

晁氏曰梁蕭綺叙錄晉王嘉字子年嘗著書百二十篇載伏
義以來異事前世奇詭之說書逸不完綺綴拾殘缺而叙之
名山記一卷

陳氏曰亦稱王子年即前之第十卷大抵皆詭誕嘉符秦時
人見晉書藝術傳

世說新語十卷重編世說十卷

晁氏曰宋劉義慶撰梁劉孝標注東漢以後事分三十八門
唐藝文志云劉義慶世說八卷劉孝標續十卷而崇文總目
止載十卷當是孝標續義慶元本八卷通成十卷耳家本有
二一極詳一殊略略有稱改正未知誰氏所定然其目則同
劉知幾頗言此書非實錄予亦云

陳氏曰今本三卷叙錄二卷叙錄者近世學士新安汪藻彥
章所為也首為考異繼列人物世譜姓字異同末記所引書
目按唐志作八卷劉孝標續十卷自餘諸家所藏卷第多不
同叙錄詳之此本董令升刻之嚴州以為晏元獻公手自校
定刪去重複者

高氏緯略曰義慶采摭漢晉以來佳事佳話為世談新語極為精絕而猶未為奇也梁劉孝標注此書引援詳確有不言之妙如引漢魏吳諸史及子傳地理之書皆不必言只如晉氏一朝史及晉諸公別傳譜錄文章凡一百六十六家皆出於正史之外紀載特詳聞見未接寔為注書之法

殷芸小說十卷

晁氏曰宋殷芸撰述秦漢以來雜事予家本題曰劉餗李淑以為非

陳氏曰邯鄲書目云或題劉餗非也今此書首題秦漢魏晉宋諸帝注云齊如共撰非劉餗明矣故其叙事止宋初蓋於諸史傳記中抄或稱商芸者宣祖廟未祀時避諱也

述異記二卷

晁氏曰梁任昉撰昉家藏書三萬卷天監中采輯前世之事纂新述異皆時所未聞將以資後來屬文之用亦博物之意唐志以為祖同所作誤也

續齊諧記一卷

陳氏曰梁奉朝請吳均撰齊諧志怪本莊子語也唐志又有東陽無疑齊諧志今不傳此書殆續之者歟北齊還冤志二卷

陳氏曰顏之推撰

古今同姓名錄一卷

陳氏曰梁元帝撰有陸善經者續之至五代時

隋唐嘉話一卷 劉餗小說三卷

陳氏曰並唐右補闕劉餗鼎卿撰

博異志一卷

晁氏曰題曰谷神子纂序稱其書頗箴規時事故隱姓名或曰名還古而竟不知其姓志怪之書也

陳氏曰記唐初及中世事

卓異記一卷

晁氏曰唐李翱撰或題云陳翱開成中在襄陽記唐室君臣功業殊異者二十七類

陳氏曰記當時君臣卓絕盛事

集異記二卷

晁氏曰唐薛用弱撰集隋唐間談詭之事一題古異記首載徐佐卿化鶴事

陸氏集異記二卷

晁氏曰唐陸勳纂語怪之書也凡三十二事言大怪者居三之一

稽神異苑十卷

晁氏曰題云南齊焦度撰雜編傳記鬼神變化及草木禽獸妖怪譎詭事按焦度南安人也質訥朴慤以勇力事高帝決不能著書又卒於建元四年而所紀有梁天監中事必非也唐志有焦路竊神秘苑十卷豈即此書而相傳之訛歟

朝野僉載補遺三卷

晁氏曰唐張鷟文成撰分三十五門載唐朝雜事鷟自號浮休子蓋取莊子其生也浮其死也休之義

容齋洪氏曰僉載紀事皆瑣尾摘裂且多媒語

陳氏曰其書本三十卷此特其節略耳別求之未獲

真報記二卷

陳氏曰唐吏部尚書京兆唐臨本德撰

辨疑志三卷

陳氏曰唐宣武行軍司馬吳郡陸長源撰辨俚俗流傳之妄

宣室志十卷

晁氏曰唐張讀聖明撰纂輯僊鬼靈異事名曰宣室志者取

漢文召見賈生論鬼神之義苗台符為之序

封氏見聞記五卷

晁氏曰唐封演撰分門記儒道經籍人物地理雜事且辨說

訛謬蓋著其所見聞如此

陳氏曰前紀典故及雜事頗有可觀

劉公嘉話一卷

晁氏曰唐韋絢撰劉公謂禹錫絢字文明執誼子也咸通中

節度義武幼從學於禹錫錄其話言

戎幙閑談一卷

晁氏曰唐韋詢撰大和中為李德裕從事記德裕所談

平泉草木記一卷

晁氏曰唐李德裕撰記其別墅奇花異草樹石名品仍以數

詠其美者詩二十餘篇附于後平泉即別墅地名

玄怪錄十卷

晁氏曰唐牛僧孺撰僧孺為宰相有聞于世而著此等書周

秦行紀之謗蓋有以致之也

陳氏曰唐志十卷又言李復言續錄五卷館閣書目同今但

有十一卷而無續錄

二狀卷三十一

正音考

六

續玄怪錄十卷

晁氏曰李復言續僧孺書分僊術感應三門

周秦行紀一卷

晁氏曰唐牛僧孺自叙所遇異事賈黃中以為韋瓘所撰瓘李德裕門人以此誣僧孺

洽聞記三卷

晁氏曰唐鄭常撰記古今神異詭譎事凡百五十六條或題曰鄭遂

甘澤謠一卷

晁氏曰唐袁郊撰載譎異事九章咸通中又雨卧疾所著故曰甘澤謠

陳氏曰咸通戊子自序以其卷兩澤應故有甘澤成謠之語以名其書

河東記三卷

晁氏曰唐薛漁思撰亦記譎怪事序云續牛僧孺之書

酉陽雜俎二十卷續酉陽雜俎十卷

晁氏曰唐段成式撰自序云縫掖之徒及怪及戲無侵於儒詩書為大羨史為折俎子為醯醢大小二酉山多藏奇書故名篇曰酉陽雜俎分三十門為二十卷其後續十卷

陳氏曰所記固多譎怪其標目亦奇詭如天咫玉格壺史具編尸窆之類成式文昌之子

因話錄六卷

晁氏曰唐趙璘撰字澤章大中時為衢州刺史記唐史逸事

劇談錄三卷

續玄怪錄十卷

洽聞記三卷

七

唐語林十卷

晁氏曰康駢字駕言撰乾符中登進士第書成載唐世故事
晁氏曰未詳撰人效世說體分門記唐世名言新增嗜好等
十七門餘皆仍舊

史話三卷

晁氏曰不題撰人自後漢及江左朝野雜事皆記之

資暇三卷

晁氏曰唐李匡義濟翁撰序稱世俗之談類多訛誤雖有見
聞嘿不敢證故著此書上篇正誤中篇譚原下篇本物以資
休暇云

芝田錄一卷

晁氏曰叙謂嘗憇緱氏故取潘岳西征賦名其書記隨唐雜
事未詳何人總六百條

朝廷卓絕事一卷

晁氏曰唐陳峒撰記唐朝忠賢卓絕五十事

杜陽雜編三卷

晁氏曰唐蘇鶚字德祥撰光啓中進士家武功杜陽川雜錄
廣德以至咸通時事

雲溪友議三卷

晁氏曰唐范攄撰記開元以後事攄五溪人故以名其書
陳氏曰咸通時人唐志三卷今本十二卷

談賓錄十卷

晁氏曰唐朝璩子温撰皆唐朝史之所遺文武間人

乾牘子三卷

晁氏曰唐温庭筠撰序謂語怪以悅賓無異騷味之適口故以乾牒名書

陳氏曰序言不爵不觥非魚非炙能悅諸心聊其衆口庶乎乾牒之義牒與饌同字從肉見古禮經

尚書故實一卷

晁氏曰唐李綽編崇文總目謂尚書即張延賞也綽記延賞所談故又題曰尚書談錄按其書稱嘉貞為四世祖疑非延賞也

陳氏曰其書首言賓護尚書河東張公三代相門謂嘉貞延賞弘靖弘靖盧龍失御賤賓客分司綽唐末人未必及弘靖弘靖之後文規次宗彥遠皆不登八座未詳所謂唐志即以爲延賞尤不然

家學要錄一卷

晁氏曰唐柳程采其曾祖彥昭祖芳父晁家集所記累朝典章因革時政得失著此錄小說之尤者也

常侍言旨一卷

晁氏曰唐柳程記其世父芳所著凡十六章未有劉出求及上清傳附

異聞集十卷

晁氏曰唐陳翰編以傳記所載唐朝奇事類為一書

陳氏曰唐末人見唐志而第七卷所載王魁乃宋朝事當是後人勦入之耳

聞奇錄一卷

陳氏曰不著名氏當是唐末人

松窓錄一卷

晁氏曰唐韋叡撰記唐朝故事

文獻卷一百一十五

蕭湘錄十卷

陳氏曰唐校書郎李隱撰館閣書目云耳唐志作柳詳未知書目何據也

幽閑鼓吹一卷

知命錄一卷

陳氏曰唐劉愿撰凡二十事

前定錄一卷

陳氏曰唐崇文館校書鍾輅撰凡二十二事別本又有續錄二十四事

雜纂一卷

陳氏曰唐李商隱義山撰俚俗常談鄙事可資戲笑以類相從今世所稱殺風景蓋出於此又有別本稍多皆後人附益

巽巖李氏曰用諸酒杯流行之際可謂善謔其言雖不雅馴然所詞請多中俗病聞者或足以為戒不但為笑也

廬氏雜說一卷

陳氏曰唐廬言撰

廬陵官下記二卷

陳氏曰段成式撰為吉州刺史時

唐缺史三卷

陳氏曰唐高彥休撰自號參寥子乾符中人

北里志一卷

晁氏曰唐孫棨撰記大中進士游俠平康事孫光憲言棨之意在譏廬相構也蓋構之女與其甥通構知之遂以妻之殺家人以滅口云

二賦卷一百一十五

正音考

一

玉泉筆端三卷 又別一卷

陳氏曰不著名氏有序中和三年作末有跋云扶風李昭德家藏之書也即故淮海相公孫又稱黃巢陷洛之明年跋亦不知何人別一本號玉泉子比此本少數條而多五十二條無序跋錄其所多者為一卷

三水小牘三卷

陳氏曰唐皇甫牧遵美撰天祐中人三水者安定屬邑也

醉鄉日月三卷

陳氏曰唐皇甫松子奇撰唐人飲酒令此書詳載然今人皆不能曉也

龍城錄一卷

陳氏曰稱柳宗元撰龍城謂柳州也羅浮梅花夢事出其中唐志無此書蓋依托也或云王銍性之作

朱子語錄曰柳文後龍城錄雜記王銍之為也子厚叙事文字多少筆力此記衰弱之甚皆寓古人詩文中不可曉知底於其中似暗影出

唐朝新纂三卷

陳氏曰融州副史石文德撰

豪異秘纂一卷

陳氏曰無名氏所錄五事其扶錄國王一則所謂虬須客者也

樹萱錄一卷

陳氏曰不著名氏序稱纂尚書榮陽公所談者亦不知何人又云普聖園丘之明年普聖者僖宗由普王踐位也書雖見

續樹萱錄一卷

唐志今亦未必本真或云劉燾無言所為也

容齋洪氏隨筆曰頃在秘閣抄書得續樹萱錄一卷其中載
隱君子元撰夜見吳王夫差與唐諸詩人吟詠事李翰林詩
曰芙蓉露濃紅壓枝幽禽感秋花畔啼玉人一去未回馬梁
間燕子三見歸張司業曰綠頭鴨兒嘔萍藻採蓮女郎笑花
老杜舍人曰鼓鼙夜戰北窓風霜葉沿階貼亂紅三人皆全
篇杜工部曰紫領寬袍漉酒巾江頭蕭散作閑人白少傅曰
不因霜葉辭林去的當山翁未覺秋李賀曰魚鱗甃空排嫩
碧露桂梢寒掛團壁三人皆未終篇細味其體格語句往往
逼真後閱秦少游集有秋興九首皆擬唐人前所載或在焉
關子東為秦集序云擬古數篇曲盡唐人之體正謂是也何
子楚云續萱錄乃王性之所作而托名他人今其書才有三
事其一曰賈博諭一曰全若虛一曰元撰詳命名之義蓋取
諸子虛亡是公云

雲僊散錄一卷

陳氏曰稱唐金城馮贄撰天復元年叙馮贄者不知何人自
言取家世所蓄異書撮其異說而所引書名皆古今所不聞
且其記事造語如出一手政如世俗所行東坡社詩注之類
然則所謂馮贄者及其所蓄書皆子虛烏有也亦可謂枉用
其心者矣

洪氏容齋隨筆曰俗間所傳淺妄之書如所謂雲僊散錄老
杜事實之類皆絕可笑然士大夫或信之孔傳續六帖采摭
唐事殊有工而悉載雲僊錄中事自穢其書近世南劍州學

文獻通考卷之二百十五
刊散錄可毀

文獻通考卷之二百十五

文獻通考卷之二百一十六

鄱陽 馬 端臨 貴與 著

經籍考

子 小說家

傳奇三卷

晁氏曰唐裴鉞撰唐志稱鉞高駢客故其書所記皆神僊恢譎事駢之惑呂用之未必非鉞輩導諛所致

陳氏曰尹師魯初見范文正岳陽樓記曰傳奇體耳然文體隨時理勝為貴文正豈可與傳奇同日語哉蓋一時戲笑之談耳唐志三卷今六卷皆後人以其卷帙多而分之也

撫言十五卷

晁氏曰唐王定保撰分六十三門記唐朝進士應舉登科雜

事

陳氏曰定保光化三年進士為吳融子華胥喪亂後入湖南棄其妻弗顧士論不齒

金華子三卷

晁氏曰唐劉崇遠撰金華子其自號蓋慕黃初平為人也錄

唐大中後事一本題曰劉氏雜編

陳氏曰崇遠五代時人仕至大理司直

北夢瑣言二十卷

晁氏曰荆南孫光憲撰光憲蜀人從陽玘元證遊多聞唐世賢哲言行因纂輯之且附以五代十國事取傳田於江南之夢自以為高氏從事在荆江之北故命編云

陳氏曰光憲仕荆南高從誨為黃州刺史三世在幙府後隋繼冲入朝有薦于太祖者將用為學士未及而卒光憲自號

葆光子

皮氏見聞錄五卷

晁氏曰五代皮光業撰唐末為餘杭從事記當時詭異見聞自唐乾符四年迄晉天福二年自號鹿門子

耳目記一卷

陳氏曰無名氏邯鄲書目云劉氏撰未詳其名記唐末以後事

紀聞談三卷

陳氏曰蜀潘遠撰館閣書目按李淑作潘遺今考邯鄲書目亦作潘遠其曰遺者本誤也所記隋唐遺事

鑑誠錄十卷

晁氏曰後蜀何光遠撰字輝夫東海人唐證中纂輯唐以來君臣事迹可為世鑒者前有劉曦度序李獻臣云不知何時人考之不誤也

葆光錄三卷

陳氏曰陳纂撰自號襲明子所載多吳越事當是國初人

後史補三卷

陳氏曰前進士高欲拙撰

野人閑話五卷

陳氏曰成都景煥撰記孟蜀時事乾德三年序

續野人閑話二卷

陳氏曰不知作者

稽神錄六卷

晁氏曰南唐徐鉉撰記怪神之事序稱自乙未歲至乙卯凡二十年僅得百五十事楊大年云江東布衣崩亮好大言夸誕鉉喜之館于門下稽神錄中事多亮所言

陳氏曰元本十卷今無卷第總作一卷當自是它書中錄出者

賈氏談錄一卷

晁氏曰南唐張洎奉使來朝錄賈黃中所談三十餘事歸獻其主

燈下閑談二卷

陳氏曰不知作者

啓顏錄八卷

陳氏曰不知作者雜記恢諧調笑事唐志有侯白啓顏錄十

卷未必是此書然亦多有俟白語但訛謬極多

開顏集三卷

陳氏曰校書郎周文規撰未知何時人以古笑林多猥俗乃於書史中抄出可資談笑者為此篇

唐撫言十五卷

陳氏曰鄉貢進士何晦撰其序言太歲癸酉下第於金陵鳳臺旅舍癸酉者開寶六年也時江南獨未下晦蓋其國人歟洛陽搢紳舊聞記十卷

太平廣記五百卷

陳氏曰丞相曹國張齊賢師亮撰所錄張全義治洛事甚詳晁氏曰皇朝太平興國初詔李昉等取古今小說編纂成書同太平御覽上之賜名廣記

夾添鄭氏曰太平廣記乃太平御覽中別出廣記一書專記異事

鹿茸事類三十卷鹿茸文類三十卷

晁氏曰節太平廣記事實成一編曰事類詩文成一編曰文類蔡蕃晉如所撰晉如博學通書音律能屬文與十父相交善

洛中記異十卷

晁氏曰皇朝秦再思記五代及國初識應雜事

洞微志十卷

晁氏曰皇朝錢希白述記唐以來詭譎事

清異錄二卷

陳氏曰稱翰林學士陶穀撰凡天文地理花木飲食器物每

事皆制為異名新說其為書殆似雲僂散錄而語不類國初人蓋假托也

乘異記三卷

晁氏曰皇朝張君房撰其序謂乘者載記之名異者非常之事蓋志鬼神變怪之書凡十一門七十五事

陳氏曰咸平癸卯序取晉之乘之義也君房又有脞說家偶無之晁公武讀書志以脞說為張唐英君房撰又言君房著名臣傳蜀檮杌雲笈七籤行于世按君房祥符天禧以前人楊大年改開忙令所謂紫微失却張君房者即其人也嘗為御史屬坐鞠獄貶秩因編脩七籤得著作佐郎七籤序自言君房蓋其名非字也唐英字次功熙豐間人丞相商英天覺之兄作名臣傳蜀檮杌者與君房了不相涉不知晁何以合為一人也其誤明矣

括異記十卷

晁氏曰皇朝張師正撰師正擢甲科得太常博士後游宦四十年不得志於是推變怪之理參見聞之異得二百五十篇魏泰為之叙

祖異志十卷

晁氏曰皇朝聶田撰田天禧中進士不中第至元祐初因記近時詭聞異見一百餘事天禧至元祐七十餘年田且百歲矣康定元年序

楊文公談苑八卷

晁氏曰皇朝宋庠編初楊公億里人黃鑑哀撰平生異聞為一編庠取而刪類之分為二十一門

歸川錄十卷
陳氏曰鑑書初名南陽談藪宋公刪其重複改曰談苑

晁氏曰皇朝李昉撰昉蜀人張詠客也與范鎮友善熙寧中致仕歸與門人賓客燕談忘倦門人請編錄之又各該聞錄書錄解題又有雜詩十二篇係于後

江鄰幾雜志三卷

晁氏曰皇朝江休復撰休復歐陽永叔之執友其所紀精博絕人遠甚鄰幾其字也又名嘉祐雜誌

開談錄兩卷

載馮道行義
晁氏曰皇朝蘇耆撰舜卿之父也記五代以來雜事下帙多

文會談叢一卷

陳氏曰題華陽上官融撰不知何人天聖五年序

國老閑談二卷

陳氏曰補夷門君玉撰不著姓

東齋記十卷

晁氏曰皇朝范鎮景仁撰元豐中序言既謝事日於東齋燕坐追憶在朝時交游言語與夫俚俗傳記因纂集成一篇崇觀間以其及國朝故事禁之

春明退朝錄三卷

晁氏曰皇朝宋敏求次道撰多記國朝典故其序云熙寧三年予奉請于春明里因纂所聞也

南遷錄二卷

晁氏曰皇朝張舜臣芸叟撰舜民元豐中從軍攻靈州師還

皇朝

皇朝

皇朝

文獻卷一百十六
調授柳州監酒即日之官記塗中所歷并其詩文

夢溪筆談二十六卷

鼎氏曰(皇朝)沈括存中撰括好功名城未樂不克貶死而實才高博學多技能音律星曆尤邃自序云退處林下深居絕過從所與談者惟筆硯而已故以名其書凡十七目

忘懷錄三卷

晁氏曰(皇朝)元豐中夢溪文人撰所集皆飲食器用之式種藝之方可以資山居之樂者或云沈括也
陳氏曰括坐永樂事閑廢晚歲乃以光祿卿分司卜居京口之夢溪有水竹山林之適少有懷山錄可資居山之樂者輒記之自謂今可忘于懷矣故易名忘懷錄

郡閣雅言一卷

晁氏曰(皇朝)潘若同撰(太宗)時守郡與僚佐話及(南唐)野逸賢哲異事佳言輒疏之于書凡五十六條以資雅言或題曰郡閣雅談書錄解題作郡閣雜言題贊善大夫潘欲冲撰

秘閣閑談五卷
晁氏曰(皇朝)吳淑撰記秘閣同僚燕談淑仕(南唐)後隨李煜降丹陽人

牧豎閑談三卷

晁氏曰(皇朝)景漁纂十九事景漁(蜀)人也
曠府燕間錄十卷

晁氏曰(皇朝)畢仲詢撰仲詢元豐初嵐州推官纂當代怪奇可喜之事為二十門

歸田錄二卷

陳氏曰歐陽脩撰或言公為此錄未傳而序先出裕陵索之
其中本載時事及所經歷見聞不致以進旋為此本而初本
竟不復出未知信否公自為序略曰歸田錄者朝廷之遺事
史官之所不記與夫士大夫笑談之餘而可錄者錄之以備
閑居之覽也又曰唐李肇國史補序云言報應叙鬼神述夢
卜近唯滄悉去之記事實探物理辨疑惑示勸戒求風俗助
談笑則書之余之所錄大抵以肇為法而小異於肇者不書
人之過惡以謂職非史官而掩惡揚善君子之志也覽者詳
之

歸田後錄十卷

陳氏曰朝請郎廬江朱定國與仲撰熙豐間人竊取歐公舊
錄之名實不相關也

清夜錄一卷

陳氏曰沈括撰

續清夜錄一卷

陳氏曰王銍性之撰

荅川子所記三事一卷

陳氏曰不知何人三事者勅宰姑王立林果教皆異事也未
有韓蟲兒一事是歐陽公所記偶錄附此

補姪記一卷

晁氏曰古有姪記久而亡之不知何人輯傳記中婦人嚴姪
事以補亡

陳氏曰稱京兆王續編不知何時人古有宋虞之姪記等今
不傳故補之自商周而下迄五代史傳所有姪婦皆載之未

及神怪雜說文論等最後有治妬二方尤可笑也
茅奎客話十卷

晁氏曰皇朝黃休復撰茅亭其所居也暇日賓客話言及虛
無變化謠俗卜筮雖異端而合道旨屬懲勸者皆錄之

陳氏曰其所記多蜀事別有成都名畫記蓋蜀人也
優善錄一卷

晁氏曰皇朝王蕃撰嘉祐中巴縣簿黃靖國死而復蘇道其
其中所見廖生嘗傳之蕃刪取其要為此書

吉凶影響錄十卷

晁氏曰皇朝岑象求編象求熙寧末間居江陵披閱載籍見
善惡報應事輒刪潤而記之間有聞見者難乎備載亦采摛
著于篇

勸善錄六卷

晁氏曰皇朝周明寂元豐中纂道釋神奇禍福之效前人為
傳記者成一編以戒世

勸善錄拾遺十五卷

晁氏曰不題撰人疑亦明寂所纂僅百事

雞跖集十卷

晁氏曰未詳撰人所集書傳中瑣碎佳事分明編次之淮南
子曰善學者如齊王食雞必食其跖名書之意殆以此

三百家事類六十卷

晁氏曰分門編古今稗官小說成一書雖曰該博但失於太
略不題撰人

漁樵閑話二卷

晁氏曰設漁樵問答及史傳雜事不知何人所為
青瑣高議十八卷

晁氏曰不題撰人載皇朝雜事及名士所撰記傳然其所書
辭意頗鄙淺

悅神集一卷

晁氏曰不題撰人記滑稽之說唐有邯鄲淳笑林此其類也
廣卓異記二十卷

陳氏曰樂史子正撰
王原叔談錄一卷

陳氏曰翰林學士南京王洙之子錄其父所言
湘山野錄三卷續三卷

晁氏曰皇朝熙寧中吳僧文瑩撰記國朝故事
玉壺清話十卷

晁氏曰皇朝僧文瑩元豐中撰自序云瑩收國初至熙寧中
文集數千卷其間神道墓誌行狀實錄奏議之類輯其事成
一家言玉壺者其隱居之潭也

延漏錄一卷

陳氏曰不著名氏其間稱伯父郇公知其為章得象之姪也
後題此書疑章望之作然未敢必望之者字表民用郇公歷
入官歐陽公為作字說者也以宰相嫌遂不仕錄中又記皇
祐中與滕元發同試南廟滕首冠而已被黜籍令非望之亦
當時場屋有聲者章氏雋才固多也

紀聞一卷

陳氏曰集賢殿脩撰李復圭審言撰淑之子也

東坡手澤三卷

陳氏曰今俗本大全集中所謂志林者也

父子一卷

陳氏曰相傳為東坡作未必然也

龍川略志六卷龍川別志四卷

晁氏曰皇朝蘇轍撰轍元符二年夏居循州杜門閉目追惟平昔使其子遠書之于紙凡四十事其秋復記四十七事龍

川循州地名

古今前定錄二卷

晁氏曰皇朝尹國均輯經史子集古今之人興衰窮達貴賤貧富死生壽夭與夫一動靜一語默一飲一啄定於前而形于夢兆於卜見於相貌應於讖記者凡一門以為不知命而躁競者之戒至若裴度以陰德而致貴孫亮以陰譴而減齡之類又別為二門使君子不以天廢人云

澠水燕談十卷

晁氏曰皇朝王闢紹聖間撰澠水其退居之地也闢從仕四方與賢士大夫燕談有可取者輒記之久而得三百六十餘事

陳氏曰澠水名左傳有酒如澠闢治平四年進士

逆旅集

淮海秦觀撰自序曰余閑居有所聞輒書記之既盈編軸因次為若干卷題曰逆旅集蓋以其智愚好醜無所不存彼皆隨至隨往適相遇於一時竟亦不能久其留也或曰吾聞君子言欲純事書欲純理詳於誌常而略於紀異今子所集雖

有先王之餘論周孔之遺言而浮屠老子卜醫夢幻神仙鬼物之說猥雜於其間是否莫之分也信誕莫之質也常者不加詳而異者不加略也無乃與所謂君子之書言者異乎余笑之曰鳥栖不擇山林惟其木而已魚遊不擇江河惟其水而已彼討事而處簡物而言切切然去彼取此者縉紳先生之事也僕野人也擁腫是師懈怠是習仰不知雅言之可愛俯不知俗論之可卑偶有所聞則隨而記之耳又安知其純與駁邪然觀今世謂其言是則變然改容謂其言信則適然以喜而終身未嘗信也則又安知彼之純不為駁而吾之駁不為純乎且萬物歷歷同歸一隙衆言喧喧同歸一源吾方與之沉與之游欲有取舍而不可得何暇是否信誕之擇哉子徃矣客去遂以為序

傅公嘉話一卷

晁氏曰皇朝傳堯俞之子孫記堯俞之言行凡四十餘章獻簡堯俞謚也

魯公南遊記一卷

晁氏魯公未詳何人當是公亮之孫也共十二章記國朝雜事

搢紳脞說二十卷

晁氏曰皇朝張唐英君房撰君房博學通釋老善著書如名臣傳蜀檮杌雲笈七籤行于世者每慮數百卷此書亦詳實裨官志一卷

晁氏曰皇朝呂大辨雜記其所聞前言徃行

倦游雜錄八卷

晁氏曰右皇朝元豐初張師正撰序言倦遊云者仕不得志
卿書平生見聞將以信于世也自以非史官雖書善惡而不
敢褒貶

東軒筆錄十五卷續錄一卷

晁氏曰右皇朝魏泰撰襄陽人魯布之婦弟為人無行而有
口頗為鄉里患苦元祐中紀其少時公卿間所聞成此編其
所是非多不可信心喜章惇數稱其長則大槩已可見又多
妄誕姑舉其一如謂王沂公登甲科劉子儀為翰林學士嘗
戲之按沂公登科雖在子儀後四年其入翰林沂公反在子
儀前七年沂公咸平五年登科子儀天禧三年始除學士蓋
相去二十年其謬至此

王氏曰魏泰者場屋不得志喜偽作他人著書如志怪集括
異志倦游錄盡假名武人張師正又不能自抑出其姓名作
東軒筆錄皆用私喜怒誣讖前人竅後作碧雲騷假作梅堯
臣毀及范仲淹而天下駭然不服矣詳見碧雲騷條下

文獻通考卷之二百十七

鄱陽 馬端臨 貴與 著

經籍考

子 小說家

師友談記一卷

晁氏曰皇朝李薦方叔撰多記蘇子瞻范總夫及四學士所談論故曰師友

青箱雜記十卷

晁氏曰皇朝吳處厚撰處厚發蔡確車蓋亭詩所記多失實成都置交子務起於寇瑊處厚乃以為張詠它多類此

冷齋夜話六卷

晁氏曰皇朝僧惠洪撰多記蘇黃事皆依託也江淹換陶淵

明詩其詞浮淺洪既誤以為真淵明語且云東坡嘗稱其至到鬼谷子書世所共見而云有崖蜜櫻桃也之言東坡橄欖詩已輸崖蜜十分甜蓋用之如此類甚多不可殫舉

陳氏曰言多妄誕

蘇齋閑覽十四卷 劔溪野語三卷

晁氏曰皇朝陳正敏崇觀間撰正敏自號遜翁錄其平昔所見聞分十門為小說一編以備異日披閱

張芸叟雜說一卷 畫幔集一卷

陳氏曰並吏部侍郎張舜民芸叟撰

洛游子一卷

陳氏曰題司馬光非也所稱樂全子齊物子亦莫知何人

塵史三卷

陳氏曰司農少卿安陸王得臣彥輔撰嘉祐四年進士其序稱政和乙未行年八十自號鳳臺子蓋王昭素之後至錕性之之伯也揮塵錄誤載

蘇氏談訓十卷

陳氏曰朝請大夫蘇象先撰述其祖魏公頌子容遺訓

續世說十二卷

陳氏曰孔平仲毅父撰編宋至五代事以續劉義慶之書

孫公談圃三卷

陳氏曰臨江劉延世錄高郵孫升君孚所談升元祐中書舍人坐黨謫汀州

麗情集二十卷

晁氏曰皇朝張君秀唐英編古今情感事

皇朝

張君秀

唐英

編

古今

情感

事

烏臺詩話十三卷

陳氏曰蜀人朋九萬錄東坡下御史獄公案附以初舉發章疏及謫官後表章書啓詩詞等

碧雲駮一卷

晁氏曰皇朝梅堯臣聖俞撰昭陵時有御馬名碧雲駮以旋毛貴用以名書者詆當時鼎貴之人然其意專在范文正也頃年獲拜趙氏姑于恭南因質此事之誕信答曰異哉聖俞作謗書以誣盛德蓋誅絕之罪也

陳氏曰題梅堯臣撰以厖馬為書名其說曰世以旋毛為醜此以旋毛為貴雖貴矣病可去乎其不遜如此聖俞必不爾也所記載十餘條公卿之所毀訐雖范文正亦不免或云實魏泰所作托之聖俞王性之辨之甚詳而邵氏聞見後錄乃不然之

邵氏曰梅堯臣著碧雲駮應昭陵時天下大臣惟杜祁公行富鄭公弼韓魏公琦歐陽公脩無貶外悉譏詆之無少避范仲淹亦在詆中以仲淹微時常結中書吏人范仲尹因以破家仲淹既貴略不收卹王銍不服以為魏泰偽託堯臣著此書銍跋范仲尹墓誌云近時襄陽魏泰者場屋不得志喜偽作他人著書如志怪集括異志倦游錄盡假名武人張師正又不能自抑出其姓名作東軒筆錄皆用私喜怒誣讒前人最後作此書且范仲淹與歐陽脩梅堯臣立朝同心詎有異論特堯臣子孫不輝故挾之借重以欺世今錄楊闕所作范仲尹墓誌庶幾知泰亂是非之實至此也則其他泰所厚誣者皆迎刃而解可盡信哉銍猶及識泰知其從來最詳張而

明之使百世之下仲淹不蒙其謬焉穎人王銍題博以為不然亦書其下仲淹不蒙其謬焉使仲淹不蒙其謬堯臣亦不失為君子矣然堯臣蚤接諸公名聲相上下獨窮老不振中不能無躁其聞范仲淹訃詩云一出屢更郡人皆望酒壺俗情難可學奏記向來無貧賤常甘分崇高不解諛雖然門館隔泣與衆人俱夫為郡而以酒悅人樂奏記納諛佞豈所以論范仲淹堯臣之意真有所不足耶如著彥博燈籠錦事則又與書竄詩合矣故疑此書實出於堯臣

李氏曰碧雲駮一書凡慶曆以來名公鉅卿無不譏詆世傳此書以為出於梅堯臣怨懟之口其後諸公論議多矣如葉夢得王銍則以為非堯臣所為而邵博乃疑其詩以為堯臣之意真有所不足遂以此書為實出於堯臣今以魏泰東軒筆錄考之然後知泰之嫁名於堯臣者不特此書也筆錄載文彥博燈籠錦事大略如碧雲駮所云其載堯臣作唐介書竄詩則句語狂肆非若堯臣平時所作簡古純粹平淡深遠又曰堯臣作此詩不敢示人及歐陽脩為編其集時有嫌避又削去此詩是以人少知者詳味此言是泰既以此詩嫁於堯臣又慮議者以為脩所編無此遂曰脩有嫌避而此不載皆無所考之詞也觀此則謂泰以碧雲駮之書假名堯臣不妄矣况堯臣平日為人仁厚樂易未嘗忤於物歐陽脩嘗以此而銘其墓使堯臣怨懟果為此書以厚誣名臣則所養可知矣今市井輕浮之子未必為之而謂堯臣為之哉

孔氏野史一卷

容齋洪氏隨筆曰世傳孔毅甫野史一卷凡四十事予得其

書於清江劉靖之所載趙清獻為青城宰挈散樂妓以歸為
邑尉追還大慟且怒又因與妻忿爭由此惑志文潞公守太
原辟司馬溫公為通判夫人生日溫公獻小詞為都漕唐子
方峻責歐陽永叔謝希深田元鈞尹師魯在河南携官妓游
龍門半月不返留守錢思公作簡招之亦不答范文正與京
東人石曼卿劉潛之類相結以取名服中上萬言書甚非言
不文之義蘇子瞻被命作儲祥宮記大貂陳衍幹當宮事得
旨置酒與蘇高會蘇陰使人發御史董敦逸即有章疏遂墮
計中又云子瞻四六表章不成文字其他如潞公范忠宣呂
汲公吳冲卿傳獻簡諸公皆不免譏議予謂決非毅甫所作
蓋魏泰碧雲駮之流耳溫公自用龐穎公辟不與潞公子方
同時其謬妄不待攻也靖之乃原甫曾孫佳士也而跋是書

云孔氏兄弟曾大父行也思其人欲聞其言久矣故錄而藏
之汪聖錫亦書其後但記上官彦衡一事豈弗深考云

後山談叢六卷

容齋洪氏隨筆曰後山陳無已著談叢高簡有筆力然所載
國朝事失於不考究多爽其實如云呂許公惡韓富范三公
欲廢之而不能乃建議使行邊及丁文簡因杜祈公一語之
戲而陷杜子美以撼祈公丁晉公以白金賂中使尼張乖崖
之進與張乖崖聞逐萊公而買曰宅以自污攻之諸公出處
日月皆不合前四事所係不細乃誕漫如此蓋前輩不藏國
史好事者肆意飾說為美聽疑若可信故誤人紀述後山之
書必傳於後世懼貽千載之惑予是以辨之

清虛居士隨手雜錄一卷

容齋廣錄十卷
陳氏曰王鞏定國撰待制素子張安道之壻

晁氏曰皇朝政和中李獻民撰分九門記一時奇麗雜事鄙陋無稽之言為多

墨客揮犀十卷續十卷

陳氏曰不知名氏

搜神秘覽三卷

陳氏曰京兆章炳文叔虎撰

石渠錄十一卷

陳氏曰校書郎昭武黃伯思長睿撰

石林燕語十卷

陳氏曰葉夢得少蘊撰軍和五年所作也

燕語考異十卷

陳氏曰成都宇文紹奕撰舊聞汪玉山嘗駁燕語之誤而未之見也

玉澗雜書十卷

陳氏曰葉夢得撰其中所記亦當在宣和時所作玉澗者石林山居澗水名也

避暑錄話二卷

陳氏曰葉夢得紹興五年所作

巖下放言一卷

陳氏曰葉夢得撰休致後所作

荃省因話錄一卷

陳氏曰兵部尚書新昌石公弼國佐撰

栢臺雜著一卷

陳氏曰石公弼撰雜記典故等事公弼本名公輔改賜今名為御史攻蔡京甚力竟坐深文謫死然本傳言其議論反覆非純正者

思遠筆錄一卷

陳氏曰翰林學士九江王寓撰寓以靖康元年七月以禮部尚書入翰苑雜記當時聞見凡二十七條寓父易簡以布衣召為說書遂顯用寓後拜左轄使虜辭行謫散官嶺表父子俱南下沒於盜

秀水閒居錄三卷

陳氏曰丞相女南朱勝非藏一撰寓居宜春時作秀水者袁州水名也

紺珠集十三卷

晁氏曰皇朝朱勝非編百家小說成此書舊說張燕公有紺珠見之則能記事不忘故以為名

陳氏曰視曾慥類說為略

類說五十卷

晁氏曰皇朝曾慥編其序云間居銀峯因集百家之說纂集成書可以資治體助名教供笑談廣見聞

陳氏曰所編傳記小說古今凡二百六十餘種

春渚記聞十卷

陳氏曰浦城何遠撰自號韓青老農東坡所薦為武學博士曰去非者其父也

曲洧舊聞一卷

雜書一卷

骫骳說一卷

陳氏曰直秘閣新安朱弁少章撰弁於晦庵為從父建炎丁未使虜留十七年既歸而卒能說者以續晁無咎詞話而晁書未見

南游記舊一卷

陳氏曰曾紆公袞撰

聞見後錄二十卷

陳氏曰邵某撰

翰墨叢記五卷

陳氏曰樞密睢陽滕康子濟撰

鐵圍山叢談五卷

陳氏曰蔡條撰謫鬱林博白時所作

侍兒小名錄一卷續一卷

陳氏曰序題朋谿居士而不著名氏始洪炎王父集為此書王銍性之溫豫彥幾續補今又因三家而增益之且為分類其中多用古字或云董彥遠家子弟所為也

萍州可談三卷

陳氏曰吳興朱或無或撰中書舍人服行中文子宣和元年序萍州老圃其自號也在黃州蓋其僑寓之地事見齊安志而或作或字無惑未詳孰是

硯岡筆志一卷

陳氏曰唐稷撰自號硯岡居士

泊宅編十卷

陳氏曰方勺仁聲撰泊宅在烏程相傳張志和泊舟浮家泊宅之所勺買田卜築號泊宅翁本嚴瀨人

却掃編三卷

陳氏曰吏部侍郎睢陽徐度敦立撰

問燕常談三卷

陳氏曰重弁令升撰取士相與談仁義於間燕之義

唐語林八卷

陳氏曰長安王讜正甫撰以唐小說五十家做世說分門三十五又益十七為五十二門中與書目十一卷而闕記事以下十五門又云本亦止八卷而門目皆不闕

紀談錄十五卷

陳氏曰稱傳密居士不著名氏蓋晁公邁伯咨也

道山清話一卷

陳氏曰不知何人跋語稱大父國史在館閣又多識前輩著館秘錄曝書記與此而三兵火散失近得此書於曾仲存家末題朝奉大夫暉亦不著姓

復齋閑記四卷

陳氏曰承議郎歷陽龔相聖任撰待制原之孫頤正之父也

鄞川志五卷

陳氏曰中書舍人龍舒朱翌新仲撰寓居四明故曰鄞川

窻間記聞一卷

陳氏曰稱陳子兼撰未知何人雜論詩文經傳亦間述所聞事

枕中記一卷

陳氏曰不著名氏崇寧中人所載多國初事

賢異錄一卷

賢異錄一卷

文獻卷二百一
陳氏曰亦無名氏所記四事其一曰鬼傳者言王醜冢子弟
所遇與世傳王子高事大同小異當是一事耳
姚氏殘語一卷

陳氏曰刻姚寬令威撰
稿簡贅筆二卷

陳氏曰承議郎章淵伯深撰始得此書於程文簡氏不知何
人作文簡題其後以其中稱先丞相申公知其為章厚子孫
也余又以其書考之言先祖光祿元祐三年省試東坡知舉
擢為第一則又知其為援之孫也後以問諸章始得其名字
其人博學有文以場屋待士簿如防寇盜用蔭入仕遂不就
舉君長興故序稱若溪草堂淵自號懲室子序言錄為五卷
今此惟分上下卷

能改齋漫錄十三卷

陳氏曰太常寺主簿臨川吳曾虎臣撰
揮塵錄三卷後錄十一卷第三錄三卷餘話一卷

陳氏曰朝請大夫汝陰王明清仲言撰明清銍之子曾紆公
袞之外孫故家傳聞前言往行多所憶後錄跋稱六卷今多
五卷

投轄錄一卷

陳氏曰王明清撰所記奇聞異事客所樂聽不待投轄而留
也

吳船錄一卷

陳氏曰范成大至能撰自蜀帥東歸紀遊取門泊東吳萬里
船之語

老學庵筆記十卷

陳氏曰陸游務觀撰生識前輩年登耄期所記見聞殊可觀也

夷堅志甲至癸二百卷支甲至支癸一百卷三甲至三癸一百卷四甲四乙二十卷大凡四百二十卷

陳氏曰翰林學士鄱陽洪邁景廬撰稗官小說昔人固有為之者矣游戲筆端資助談柄猶賢乎已可也未有卷帙如此其多者不亦謀用其心也哉且天壤間反常反物之事惟其罕也是以謂之怪苟其多至於不勝載則不得為異矣世傳徐鉉喜言怪賓客之不能自通與失意而見斥絕者皆詭言以求合今邁亦然晚歲急於成書妄人多取廣記中舊事改竄首尾別為名字以投之至有數卷者亦不復刪潤徑以入

錄雖叙事猥釀屬辭鄙俚不恤也

睽車志五卷

陳氏曰知興國軍歷陽郭彖次象撰取睽上六載鬼一車之語

經鋤堂雜誌八卷

陳氏曰倪思正甫撰

續釋常談二卷

陳氏曰秘書丞龔頤正養正撰昔有釋常談一書不著名氏家藏亦闕此書今故以續稱凡常言俗語皆注其所出

北山記事十二卷

陳氏曰戶部侍郎濡須王遵少愚撰

瑣碎錄二十卷 後錄二十卷

文獻卷二百一十七
陳氏曰溫革撰陳潭增廣之後錄者書坊增益也
夷堅志類編三卷

陳氏曰四川總領陳曠日華取夷堅志中書文藥方類為一編

雲麗漫抄二十卷 續抄二卷

陳氏曰通判徽州趙彥衛景安撰續二卷乃中庸說及漢定安公補紀也彥衛紹熙間宰烏程有能名

儆告一卷

陳氏曰不著名氏專叙報應

鑑誠別錄三卷

陳氏曰廬陵歐陽邦基壽卿撰周益公洪景廬有序跋

樂善錄十卷

陳氏曰蜀人李昌齡伯崇撰以南中勸戒錄增廣之多因果報應之事

山齋愚見十書一卷

陳氏曰補灌圃耐得翁不知何人

程史十五卷

陳氏曰岳珂撰程史者猶言往記也

游宦紀聞十卷

陳氏曰鄱陽張士南光叔撰

鼠璞一卷

陳氏曰戴埴撰

夷堅別志二十四卷

王質景文撰自序略曰志怪之書甚夥至鄱陽夷堅志出則

盡超之余平生所嘗略類洪公始讀左傳史記漢書稍得其
記事之法而無所施志志怪發之久之習熟調利滋耽翫不
能釋間自觀覽要不為無補於世而古今文章之關鍵亦間
有相通者不以是為無益而中書愈哀所見聞益之事五百
七十卷二十四今書之目也余心尚未妄書當如之則將浸
及於夷堅矣凡夷堅所有而游見者刪之更生佛之類是也
凡夷堅所有而未備者補之黃元道之類是也其名仍為夷
堅而別志之辨於鄱陽也得歲月者紀歲月得其所者紀其
所得其人者記其人三者并書之備矣闕一二亦書皆闕則
弗書醜而不欲著姓名者婉見之如夷堅確夢之類是也醜
而姓名不可不著者顯揭之如夷堅人牛之類是也其稱某
人云又某人得諸某人云若已所見各識其所自來皆循夷
堅之規弗易所書甲子之一為期過是弗書耳目相接也所
書鬼神之事為主非是弗書名實相稱也於夷堅之規皆仍
之其異也者筆力矐乎其後矣

文獻通考卷之二百十七

文獻通考卷之二百十八

鄒陽 馬 端臨 貴與 著

經籍考

子 農家

漢藝文志曰農家者流蓋出於農稷之官播百穀勸耕桑以足衣食故八政一曰食二曰貨孔子曰所重民食此其所長也及鄙者為之以為無所事聖王欲使君臣並耕詩上下之序

宋三朝藝文志歲時者本於恭秩平秩之義殖物寶貨著譜錄者亦出助衣食之源故咸見於此

陳氏曰農家者流勤耕桑以足衣食神農之言許行學之漢世野老之書不傳於後而唐志著錄雜以歲時月令及相牛

馬諸書是猶薄有關於農者至於錢譜相具膺鶴之屬於農何預焉今既多從其類而花果栽植之事猶以農圃一體附見於此其實則浮末之病農者也

漢志九家一百一十四部

隋志五部一十九卷

唐志十九家二十六部二百三十五卷

宋三朝志三十二部二百一十三卷

宋兩朝志十二部四十七卷

宋四朝志一十九部三十三卷

宋中興志六十四家六十九部一百四十八卷

齊民要術十卷

晁氏曰元魏賈思勰撰記民俗歲時治生種蒔之事凡九十

二篇農家者本出於神農氏之學仲尼既稱禮義信足以化民焉用稼以誚樊頃而告魯參以用天之道分地之利為庶人之孝言非不同意者以躬稼非治國之術乃一身之任也然則仕之倦游者詎可不知乎故今所取皆種藝之書也前世錄史部中有歲時子部中有農事兩類實不可分今合之農家又以錢譜實其間今以其不類移附類書

陳氏曰起自耕農終於醢醢資生之業靡不畢書其曰治生之道不仕則農蓋名言也

巽巖李氏序孫氏齊民要術音義解釋曰賈思勰著此書專主民事又旁撫異聞多可觀在農家最堯然出其類而近世學者忽焉第竒字錯見往往艱讀今運使秘丞孫公為之音義解釋略備其正名十物蓋與楊雄郭璞相上下不但借助

於思總也此書李淳風嘗演之淳風書遽亡韓鄂又撮思總
所記別著四時纂要五卷本朝天禧四年詔並刻二書以賜
勸農使者然其書與律令俱藏衆弗得習市人輒抄要術之
淺近者摹印相師用才一二此有志於民者所當惜也今公
幸以稽公餘力悉發其隱益併刻焉豈惟決疑糾繆有益學
者抑使斯民日用知所本末更被天禧遺澤不亦可乎
四時纂要五卷

晁氏曰唐韓諤撰諤編閱農書取廣雅爾雅定土產取月令
家令叙時宜採沈勝種樹之書撮崔寔試穀之法兼刪韋氏
目錄齊民要術編成

陳氏曰雖時令之書然皆為農事也

山居要術三卷

陳氏曰稱王昉撰館閣書目作王昉皆莫知何時人也

蠶書二卷

陳氏曰孫光憲撰光憲事迹見小說類

秦少游蠶書

見少游淮海集第六卷序略曰予閑居婦善蠶從婦論蠶作
蠶書考之禹貢揚梁幽雍不貢繭物充筐織文徐筐玄織縞
荆筐玄繡璣組豫筐織續青筐壓絲皆繭物也而桑土既蠶
獨言於充然則九州蠶事充為最乎予游濟河之間見蠶者
豫事時作一婦不蠶比屋詈之故知充人可為蠶師今予所
書有與吳中蠶家不同者皆得之充人也

禾譜五卷

陳氏曰宣德郎溫陵曾安止移忠撰東坡所為賦秧馬歌也

謂禾譜文既溫雅事亦詳實惜其不譜農器故以此歌附之
安止熙寧進士嘗為彭澤令

農器譜三卷續二卷

陳氏曰耒陽令曾之謹撰安止之姪孫也追述東坡作歌之
意為此編周益公為之序陸務觀亦作詩題其後

周平園序曰紹聖初元蘇文忠公軾南遷過太和邑人宣德
郎致仕曾公安止獻所著禾譜文忠美其溫雅詳實為作秧
馬歌又惜不譜農器時曾公已喪明不暇為也後百餘年其
姪孫耒陽令之謹始續成之凡耒耜耨耨車耳箕笠鉏刈篠
簣杵臼斗斛釜甌倉庾厥類惟十附以雜記勒成三卷皆考
之經傳參合今制無不備者是可補伯祖之書成蘇公之志
矣其序牛犂蓋一編之館轄予嘗學稼因演其說山海經曰

后稷之孫叔均始作牛耕世以為起於三代予謂不然牛若
常在吠畝武王平定天下胡不歸之三農而放之桃林之野
乎故周禮祭牛之外以享賓駕車犒師而已未及耕也不然
牽以蹊田正使藉稻何足為異乃設奪而罪之之喻耶在詩
有云載芟載柞其耕澤澤十耦其耘祖隰祖畛又曰有略其
耜俶載南畝以明竭作於春皆人力也至於獲之積之如墉
如櫛然後殺時轉牡有挾其角以為社稷之報若使之耕曾
不如迎猫迎虎列於蜡祭乎厥後王弼傳易以為稼穡之資
宋景文公祁闢之曰古者牛惟服車書肇牽車牛易服牛乘
馬漢趙過始教牛耕蓋本賈思勰齊民要術予謂輔嗣固未
矣賈氏及景文亦未為得也按論語子謂仲弓曰犂牛之子
騂且角雖欲勿用山川其舍諸此聖人格言也蓋犂田之牛

純雜牝牡皆可祭牛則非純非牡不可故田疇且角也注疏
乃以犂為雜色駢為赤純色角為周正近世諸儒並從此義
今觀周禮牧人時祀牲必用拴拴純色也外祭毀事用尫尫
雜色也是則純雜之辨也封人設其福衡魯頌夏而福衡曰
牡駢剛是則言角之意也竊疑犂起於春秋之間故孔子有
犂牛之言而弟子冉耕亦字伯牛彼禮記呂氏月令季冬出
土牛示農耕早晚賈誼新書劉向新序俱載鄒穆公曰百姓
飽牛而耕暴背而耘大率在秦漢之際何待趙過過特教人
耦犂共二牛費省而功倍爾易傳出於魏晉第見牛耕不復
考其初而費公彦考工正義遂謂起於後漢其失尤甚

農書三卷

陳氏曰稱西山隱居全真子陳粵撰未詳何人其書曰田曰

牛曰蠶洪慶善為之後序

耕桑治生要備二卷

陳氏曰宣教郎通判橫州何先覺撰紹興癸酉序

耕織圖一卷

陳氏曰於潛令鄧樓壽玉撰攻魏參政之伯父也

竹譜一卷

晁氏曰戴凱之撰凱之字慶預武昌人哀輯竹事四字一讀
有韻類賦頌李邕邕云未詳何代人

筍譜二卷

晁氏曰皇朝僧惠崇撰

陳氏曰僧贊寧撰

續酒譜十卷

續酒譜十卷

續酒譜十卷

五

鼎氏曰唐鄭遨雲叟撰纂輯古今酒事以續王績之書

酒譜一卷

陳氏曰汶上竇莘子野撰其人即著唐書音訓者

北山酒經三卷

陳氏曰不知撰人

茶經三卷

晁氏曰唐太子文學陸羽鴻漸撰載產茶之地造作器具古

今故事分十門

陳氏曰羽自號竟陵子又號桑苧翁

顧渚山記二卷

晁氏曰陸羽撰羽與皎然朱放輩論茶以顧渚為第一顧渚

山在湖州吳王夫差顧望欲以為都故以名山

煎茶水記一卷

晁氏曰唐張又新撰其所嘗水凡二十種因第其味之優劣

陳氏曰唐涪州刺史張又新撰本刑部侍郎劉伯芻稱水之

與茶宜者凡七等又新復言得李季卿所筆陸鴻漸水品凡

二十歐公大明水記嘗辨之今亦載卷末余足跡所至不廣

於水品僅嘗三四若惠山泉甘美置之第二不忝特未知康

王谷亦何如爾其次吳松第四橋水亦不惡虎丘劍池殊未

佳而在第四已不可曉至於雪水清耳絕佳而居其末尤不

可曉也大抵水活而後宜茶活而不清潔猶不宜故浮泉石

池漫流者為上為其活且潔也若夫天生水蒸為雲雨水

之活且潔者何以過此余嘗用淨器承雨水試以烹煎不減

雪水故知又新之說妄也

茶譜一卷

晁氏曰為蜀無文錫撰記茶故事其後附以唐人詩文

建安茶錄三卷

晁氏曰皇朝丁謂撰建州研膏茶起於南唐太平興國中始進御謂咸平中為閩漕監督州吏創造規模精至嚴謹錄其園焙之數圖繪器具及叙採製入貢法式盧仝譏陽羨貢茶有安知百萬億蒼生墜在顛崖受辛苦之句余於謂亦云

北苑拾遺一卷

晁氏曰皇朝劉昇撰北苑建安地名茶為天下最異夔曆初在吳興採新聞附于丁謂茶錄之末其書言滌磨調品之器甚備以補謂之遺也

補茶經一卷又一卷

晁氏曰皇朝周絳撰絳祥符初知建州以陸羽茶經不載建安故補之又一本有陳龜注丁謂以為茶佳不假水之助絳則載諸名水云

試茶錄二卷

晁氏曰皇朝蔡襄君謨撰襄皇祐中脩注仁宗常面諭云昨卿所進龍茶甚精襄退而記其烹試之法成書二卷進御世傳歐公聞君謨進小園茶驚曰君謨士人何故如此

東溪試茶錄一卷

晁氏曰皇朝朱子安集拾丁蔡之遺東溪亦建安地名其序謂七閩至國朝草木之異則產鵬茶荔子人物之秀則產狀頭宰相皆前代所未有以特而顯可謂美矣然其草木厚味難多食其人物多智難獨任亦地氣之異云

呂惠卿建安茶記一卷

晁氏曰皇朝呂惠卿撰

聖宋茶論一卷

晁氏曰右徽宗御製

茶雜文一卷

晁氏曰集古今詩文及茶者

北苑總錄十二卷

陳氏曰興化軍判官曾伉錄茶經諸書而益以詩歌二卷

茶山節對一卷

陳氏曰攝衢州長史蔡宗顏撰

宣和北苑貢茶錄一卷

陳氏曰建陽熊蕃叔茂撰其子克義益寫其形製而傳之

北苑別錄一卷

陳氏曰趙汝礪撰

品茶要錄一卷

陳氏曰建安黃儒道父撰元祐中東坡嘗跋其後

荔枝譜一卷 荔枝故事一卷

晁氏曰皇朝蔡襄記建安荔枝味之品第凡三十餘種古今

故事

陳氏曰君謨為此書且書而刻之與牡丹記並行閩無佳石以板刊歲久地又溫皆蠹朽至今尤藏其家而字多不完可惜也

增城荔枝譜一卷

陳氏曰無名氏其序言福唐人熙寧九年承乏增城多植荔

枝蓋非嶠南之大山實類吾鄉之晚熟搜境內所出得百餘種其初亦得園中佳種植之故為是譜

四時栽接花果圖一卷

陳氏曰無名氏

桐譜一卷

陳氏曰銅陵逸民陳翥撰皇祐元年序

何首烏傳一卷

陳氏曰初見唐李翱集今後人增廣之耳

海棠記一卷

陳氏曰吳人沈立撰

摘錄一卷

陳氏曰知溫州延安韓彥直子溫撰世忠長子也

菊譜一卷

陳氏曰史正志道撰孝宗朝為發運使者也

范村梅菊譜二卷

陳氏曰范成大至能撰有園在居第之側號范村

糖霜譜一卷

陳氏曰遂寧王灼晦叔撰言四方所產遂寧為冠灼自號頤

堂

蟹譜二卷

陳氏曰稱怪山傳肱子翼撰嘉祐四年序怪山者越之飛來

山也

蟹略四卷

陳氏曰高似孫續七撰

蟹譜二卷

蟹譜二卷

越中牡丹花二品

陳氏曰：僧仲林撰其序言：越之所好尚，惟牡丹其絕麗者。三十二種，始乎郡齋，豪家名族，梵宇道宮，池臺水榭，植之無間。來賞花者，不問親疎，謂之看花局。澤國此月，多有輕雲微雨，謂之養花天。里語曰：彈琴種花，陪酒陪歌。未稱丙戌歲八月十五日移花日，序丙戌者，當是雍熙三年也。越在國初，繁富如此，殆不減洛中。今民貧至骨，種花之風遂絕。何今昔之異耶？其故有二：一者鏡湖為田，歲多不登；二者和買白著，數倍常賦，勢不得不貧也。

牡丹譜一卷

晁氏曰：歐陽脩撰初調洛陽，從事見其俗重牡丹，因著花品凡三篇。

翼王宮花品一卷

陳氏曰：蔡君謨書之，盛行於世。

陳氏曰：題景祐元年滄州觀察使記，以五十種分為三等九品。而潛溪緋平頭紫居正一品，姚黃反居其下，此不可曉也。

吳中花品一卷

陳氏曰：慶曆乙酉，趙郡李英述皆出洛陽花品之外者。以今日吳中論之，雖曰植花未能如承平之盛也。

花譜二卷

陳氏曰：滎陽張洵子堅撰，以花有千葉多葉黃紅紫白之別，類以為譜。凡千葉五十八品，多葉六十二品。又以芍藥附其末，洵與其弟嶠子望同登進士第，嶠嘗從邵康節學。

牡丹芍藥花品七卷

文獻通考卷之二百十一
陳氏曰不著名氏不文公及仲林等諸家牡丹譜孔常甫芍
藥譜共為一篇

洛陽貴尚錄一卷

陳氏曰殿中丞新安丘濬道源撰專為牡丹作也其書援引
該博而迂怪不經濬天聖五年進士通類知未來壽八十一
及欽衣空人以為尸解新安志云爾

芍藥譜一卷

陳氏曰中書舍人清江劉敞貢甫撰

芍藥圖序一卷

陳氏曰待制新淦孔武仲常甫撰

芍藥譜一卷

陳氏曰知江都縣王觀通叟撰三家皆述維揚所產花之盛

也

皇明正德歲在
戊寅慎獨齋刊

文獻通考卷之二百十一

文獻卷二百十八

籍考

十一

